

Durante un conferencia di Prensa organiza pa Domino's Pizza

Biggy Boy ta Lanza su Prome Disco Compacto

STA. CRUZ – Loke a cuminsa manera un joke un par di aña atras a florece ayera durante un conferencia di Prensa den e Bautizo di e Prome disco compacto di e cantante, cu ta lanza exito tras di exito, Jonathan Thiel mihor conocir como "Biggy Boy". Jonathan Thiel su historia a cuminsa manera un mentira na momento cu e lo a bisa su juffrouw di 1ste klas cu e por toca piano, ya cu su tata Robert Thiel e tempo ey ta un conocir pa toca den hotel. Sin pensa dos biaha Jonathan a yega for di school y decidido cu e ta bay sifa toca Jingle Bells pa su juffrouw a keda lanta te laat pa e por a studia e notanan di Jingle Bells cu ayudo di su tata y sin duda algun pa e por a impresionar su juffrouw e siguiente dia. Y di eynan seguramente e pasion a crece pa musica. For di principio manera su tata mes ta conta cu esaki sigur e no a waak den Jonathan como cu antes su pasion tabata futbol y eynan ta unda un biaha mas na momento cu su club a organiza un SongFestival Jonathan no a duda pa participa y a sali como e ganador maximo. Jonathan conocir como Biggy Boy a cuminsa asina di participa den diferente Festival incluso na esun di Roadmarch

y Calypso Hubenil na unda 2 aña consecutivo, 2007 y 2008 Biggy Boy ta bay cas cu e titulo Maximo. Sin duda algun pa tur esnan cu conoce Jonathan alavez pa tin un character humoristico Jonathan ta bay purba su talento participando den e eleccion di Prins y Pancho na aña 2008 y pa asina tambe bay cas cu e premio maximo como Monarca Hubenil pa guia e Parada di Carnaval. Y 2010 e'la bolbe Bay cu e Premio Maximo como Prins di Carnaval y Asina cu e amor pa musica y tambe pa Carnaval Biggy Boy a lanza riba mercado un single pa e temporada tan gusta, "cos Nobo nan kier" huntu cu Next Level di cual cancion tabata un exito rotundo. Y Asina hopi otro cancionnan cu Biggy ta compone y aregla. Ayera tardi durante un conferencia di prensa a culmina cu e Bautizo di e prome disco compacto di Biggy Boy. Na e ceremonia aki gradici su sponsornan cu ta e.o. Domino's Pizza cu a yuda Biggy Boy lanza su prome 1.000 disco compacto riba Mercado. Madrina pa e ocasion aki tabata Minousche ... kende Biggy a skirbi un cancion p'e den 15 minuut pa despues a realiza un grabacion cu e letra cu a tuma un total

"Esaki Ta Pabo"

di 30 minuut cual Biggy Boy a presenta durante un Telethon cu a wordo organiza pa Minousche pa a yuda e damita aki cu su aparatonan special. Tambe a fungi como madrina Guisette Croes di CD's & More. Padrino a keda den persona di Antonio Peña kende ta un di e personanan cu for di cuminsamento a apoya Biggy Boy den su trayectoria como artista y "Last but not Least" su ruman homber Jean - Paul cu a lanta cune y yude y kere den dje for di su comienzo. A scoge pa bautiza e disco compacto di Biggy Boy den un manera unico na unda a scoge Tera pa basha riba e disco compacto. A wordo escogi Tera como cu Jonathan Thiel ta un yiu di Tera, cu ta stima e cuna cu e a nace aden y na mes momento ta simboliza su creencia cu e tin den Papa Dios na unda nos a wordo traha door di Tera y rosea a wordo suspirar den cada un di nos.

Huntu cu esaki e'la wordo bendiciona cu diferente talento di cual esun cu mas ta resalta ta esun na unda cu e ta wordo inspira pa letra y musica cu a culmina den su prome disco compacto cu tin un total di 18 cancion, "Esaki ta Pabo".

